

مستطابق

مستطابقه موافق آثار جدید مع المذنبه قبول اولنور
درج ایدیلین آثار اعاده اولنور

نظاره:

درسمادته یکی پوستخانه قارشوسنده
دائرة مخصوصه در

دین، فلسفه، ادبیات، حقوق و علوم دن باحث هفته لقی رساله در

مؤسسلری: ابوالعلا زین العابدین - ح. اشرف ادیب

درسمادته نسخه سی ۵۰ پاره در

قیریلهدن مقوا بورو ایله کوندریلیرسه سنوی
۲۰ غروش فضله آلنیز.

تاریخ تأسیسی:

۱۱ نموز ۳۲۴

سنه لکی الی ایللی

۳۵

۶۵

۹۰

۱۰۰

غروشدر

درسمادته

ولایاتده

ممالک اجنبیهده

درسمادته پوسته ایله کوندریلیرسه ولایات بدلی اخذ اولنور.

عدد: ۳

۲۲۶ شعبان ۱۴ پنجشنبه ۲۸ اغستوس ۳۲۴

برنجی سنه

سورة فاتحة الكتاب

بوسورة جلیله من «فاتحة الكتاب» اسم شریفله تسمیه بیورلمشدر.
«ام القرآن» دخی تسمیه اولنور. «فاتحه» هر شیک جزء اولنه
اطلاق ایدلمکده در؛ بوسوره ایسه وضع و کتابت و علی قول نزول
اعتباریلده قرآن کریم الی برنجی جزء شریفدر؛ بناء علیه دیگر
سور جلیله به نسبت اصل منزله سنده بولنور. [«ام» لفظی اصل
معنا سنده کلیر: «ام القری» کی]. فاتحه نیک ام القرآن تسمیه
بیورلمسند دأثر دها ایکی وجه واردر:

۱ — آیات قرآنیه نیک اقسام اساسیه سی ثنا علی الله، امر ونهی،
وعدو وعیددن عبارت اولقی اوزره اوچ قسمدر. بوسورة جلیله
ایسه اجالا بو قسملرک هر برنجی مشتمل بولندینی جهته تفصیلاتی
حاوی دیگر سور جلیله نیک منشأ ومنبعی عد اولنور.
۲ — معانی شریفه قرآن حکم نظریه واحکام علیه دن عبارتدر.
بونلرک مرجع وغایتی، نتائج عالییه سی ایسه سورة فاتحه نیک تضمن
ایلدیکی سلوک ضراط مستقیم وظیفه سی ایله مراتب سعدا ومناظر
اشقیایه وقوف واطلاع قضیه سندن عبارتدر.

تقریر

قرآن کریمدن مقصود، مبدأ ومعادی بیلدیرمک وانتظام معیشت
واستحصال سعادت خصوصنه خلقی ارشاد ایتمک اولمغه؛ باشلیجه اقسامی
ذکر اولنان اوچ قسمدن عبارت اولقی اقتضا ایدر. اما حاوی اولدینی
قصص وامثال، مقصدی انعام واکمال ایچون ذکر بیورلمشدر.
سورة فاتحه نیک «مالک یوم الدین» قدر اولان قسمی، ثنا
علی الله در. «ایک نعبد وایک نستعین» نظم شریفی امر ونهی الی

مقامنده در؛ زیرا عبادت واستعانه بی جناب حقه تخصیص ایتمک هوای
نفسانی به مخالفت وجیع اوامر ونواهی ربانییه رعایتله وجود بولور.
«انعمت علیهم» انعام اخروی ایله اکا موصل اوله جق انعامات دنیویه به
دال اولمغه وعد سبحانی به، «المغضوب علیهم» ک متضمن اولدینی
غضب دخی وعید ربانی به دلالت ایدیور.

«حکم نظریه» احکام اعتقادیه، اعتقاد ایدلسی واجب اولان
حکملر دیمکدر. [۱]

«احکام علیه» افعال مکلفین حقنده تعیین بیوریلان وجوب، ندب،
اباحه، حرمت، کراهتدن عبارتدر. قرآن کریمی انزالدن مقصد
اصلی، تشریع احکام اولمسند مبنی؛ معانی قرآنیه نیک کافیه سی اعتقاد وعمله
تعلق ایدن احکام سبحانییه دن عبارتدر.

سورة فاتحه نیک قسم اولی جناب باری تعالی بی ذکر وفکر ایله
اعتقاد وحدانیت واعتراف نعمای صمدانیت ودرک، سبحانی به عرض
انقیاد ایله طلب هدایت بیانی حاوی اولمغه صراط مستقیمه سلوک

[۱] علمک تصدیق قسمنه متعلق اولان هر نسبت تامه به، هر مضمون
قضیه به محکوم به معنا سنده «حکم» اطلاق شایعدر. جمله سنده بردن «احکام»
تعبیر اولنور. وبالخاصه معلومات اعتقادیه اولان احکامدن علوم حقیقه
وثابته معنا سنده «حکم» لفظیله تعبیر ترجیح ایدیلیر. چونکه بوطاقم
معلومات تصحیح اعتقاد ایچون تحصیل ایدلمکده در. بیلمسندن مقصد آنجق
علم واعتقاددن عبارتدر.

بناء علیه معلوم نوعندن اولسلیله برابر احکام اعتقادیه نفس علوم منزله سنده
تذیل و «حکم» تسمیه اولنور.

احکام عملیه بی بیلسمکدن مقصد ایسه اصلاح عمله، تطبیقات صحیحه به توسلدر.
بونلری یالکز بیللمکه هیچ بر فائده حصول بولماز. بوجهته عمله متعلق علم
عملدن خالی قالمجه جهل عد اولنور، صاحبته جهل معامله سی ایدیلور. قرآن
کریمده امثله کثیره سی واردر. — علم معانی به مراجعت —

ومتابعیدن عبارت ، قسم اخیری ده اجمال علم واصلاح عمل صورتیه
منعم علیه اولان ذوات کرامک احراز ایده جککری مکافات عالیله
اخلال عمل ایدن فساقک و علم و معرفتدن بی بهره قالان ضالینک
کرفتار اوله جککری مجازات کیفیتنه اشارت اولدینی هویدادر .

تنبيه

شو ایکی وجه بیننده فرق ، وجه اولک نظم دال علی المعنادن
عبارت نفس سوره یه نظراً ، وجه ثانیک مدلولات الفاظ اولان
معانی شریفه اعتباریه اولمندن عبارتدر .

سوره فاتحه نك سورة الحمد ، « سورة الدعاء وافیه ، كافیه ، شافیه »
کبی ده ايك چوق اسماء شریفه سی وارددر . از جمله « السبع المثانی » اسم
شریفه ده یاد بیورلمشدر . بواسمک حاوی اولدینی (السبع) تعبیری
سوره جلیله نك بالاتفاق بدی آیت کریمه دن عبارت اولمسی ، (المثانی)
تعبیریه هر نمازده تکرار ایتمی یا خودایکی دفعه انزال بیورلمسی خصوصنه
دلالت ایتکده در .

کذلك « سورة الصلوات » دخی تسمیه اولنور ، زیرا هر نمازک هر رکعتده
او قونعی جیع مذاهبه کوره وجوب و یا استحبابدن خالی اولماز .

تقریر

بدی آیت اولمسی بین القراء متفق علیهدر . فقط بسمله بی جزء
سوره عد ایتمانلر ایله آیت تامه اولمسنه قائل اولمیانلر (انعمت علیهم)
قول کریمنی رأس آیت قیلارلر . جزء سوره و آیت تامه اولمسنه قائل
اولانلر آنی برنجی آیت صایارلر .

مثانی (مثنی) و یا (مثناة) ک جمیدر . قول مشهوره کوره بر شیئه
مثنی ضم ایتک معناسنه « ثنی » و یا « ثنیه دن » مشتقدر . « ثناء » دن مأخوذ
اولمسی ده جائزدر . بو اسم شریف (ولقد آتیناک سبعاً من المثانی)
نظم جلیله ده مذکوردر . شو آیت جلیله سور مکیده دن معدود
سوره الحجرده داخل اولمغله سوره فاتحه نك قبل الهجرة شرف نزوانه
دلالت ایتکده در . چونکه رسول اکرم افندمن حضرتلرینه اعطاسیله
امتان بیوریلان سبع المثانینک بو سوره دن عبارت اولمسی احادیث
صحیحه ایله مؤیددر .

بر حدیث شریفه الاول نازل اولان سوره کامله سوره فاتحه
اولدینی مصرحدر . ذاتا جناب رسالتک فاتحه سز اصلاً نماز قیلماش
اولملرینک قطعیتی ده ده اها مکة مکرمه ده بولندقلری زمان سوره فاتحه نك
نازل اولمش بولمسنه دلالت ایدیور . فقط مؤخرأ تحویل قبله اثناسنده
مدینه منوره ده بردفعه ده انزال بیورلمش اولمسی امام مجاهد رحمه الله دن
سروی ایهده بو جهت کسب قطعیت ایتماشدر .

عند الشافیه نمازک هر رکعتده امام اولسون ، مأوم اولسون هر
مصلی یه فاتحه قرائتی فرضدر ، ائمه حنفیه یه کوره فرضلرک قعدۀ اولاسندن
صوکرکی رکعتلرنده مستحب اولوب دیگر رکعتلرنده واجبدر . فقط
جامعته قیلنسان نمازلرده امامک قرائتی مأومک حقننده قرائت عد
ایدیلیر . بناء علیه بو صورتده مأومک قرائتله اشتغالی مکروه اولور .

مناسرتی اسماعیل صفی

طورمایه لم ۱

سعدی دیورکه : « بر کجه بز کاربان ایله
آهسته سیر اینکن یولمز دوشدی بر چوله .

سرعتله طی ایچون اوبیابان وحشتی ،
هپ یولجیلر فدا ایدرک خوابی ، راحت
کیتکده لردی . بنده فقط مشی وسیره تاب
هیچ قالمایجه دوشمشم آرتق زبون خواب .
آواره بر پیاده بی بککری قافله ؟

ناچار شد رحل ایده جک تابع رحله .
طورمش دیوردی برده اویاندم که ساربان :
« قالق ای زواللی یولجی ، اوزاقلاشدی کاربان !
اویقوم بنم ده یوق دکل اما بؤدشتزار
آرامک اولورمی که بیک درلو قورقو وار ؟
سر منزل مرامه واریر طورمایوب کیدن ؟
تک بر آدم ایلریلیه منسک طورور ایهک .
هیات ، یوله بویه دوشن اویقو دردینه ،
هپ یولجیلر کیدرده قالیر کندی کندینه ! »

وقعه هیچ بر شی دکلدر . حقلیسک ، لکن دوشون .
بشقه بردستور حکمت واری انصاف ایت بو کون ؟
وارمق ایسترسه ک — دیورسعدی — اکر بر مقصده ،
طوتدیفک یوللر تو کتمکدن معری اواسه ده ،
شدرحل ایت ، طورمایوب کیت ، یوله قالمقدن صاقین ؟
مرد صاحب عزم ایچون نه یمش اوزاق ، نه یمش یاقین ؟
هانکی مشکلدیر که همت اولسون آسان اولماسون ؟
هانکی دهشتدرکه انساندن هراسان اولماسون ؟
عبرت آل ارباب اقدامک باقوب آثارینه :
طاغ دایانماز ارلرک طاغیر سوکن پیکارینه !
بر منوم سس دکل یر یر خروشان ولوله :
فوج فوج آققده انسانلر بتون مستقبله .
نهر فیضا فیض انسانیتک آهکنه

اویانمکن یوقدر دوشمه مک بر انکینه !
منزل مقصوده و ارماسک اویانمازسه ک اکر ..
واری باق یولارده هیچ بیدار اولانلردن اثر ؟
ایشته آتیدر اوسر منزل دین آرامگاه ؛
کاربان اقوام ، چول ماضی ، عطالت سدره .
طورمه ماضی بر مغیلا نزار دهشتنا کدر ؛
کیت که آتی قورقوسزدر ، هم نه قدسی خاکدر !
چوق شداند اقتحام ایتک کرکدر طوغرودر ..
وهلة آواره بر سیاحی یوللر قورقودور .